

Maria Castgina Jacomet-Valier, Sedrun



Ils 17 da decembre 1904 ei la Castgina naschida sco emprem affon dalla famiglia Rest Valentin Valier e Mariuschla nata Hendry. Gia cun quater onns ha la defuncta piars siu car bab. La mumma ei restada anavos cun treis buobas. Ferton che las duas soras, la Marluscha e la Maria ein adina plitost idas naven en plaza, ei la Castgina adina stada fideivla alla patria. Ella ei stada il fidau agid per la mumma.

Suenter la mort dalla mumma eis ella stada persula e fatg la pura da tiers manedels.

Igl onn 1954 ha la Castgina menau il Gephard Jacomet, che fuva vegnius vieus, agl altar da nozzas. Ella ei stada ina dunna prusa, plein quitau per siu mariu e ses affons.

Suenter la mort dil mariu, igl onn 1973 eis ella stada ensemen cun la feglia davart dil mariu, la Castgina, che ha giu bien quitau dad ella. Avon quater onns ei la trapassada serendida ella casa s. Vigeli. Leu ha ella astgau guder buna tgira dallas soras e dil persunal.

La Castgina fuva ina femna retratga, da siu persei, che ha giu da pitir bia, cunzun ils davos onns. Ella ei morta ils 3 d'october 1992 en tutta tgeuudad, gest sco ella ei vivida. Pasch e tgeuudad vicendeivla giavischein nus alla Castgina.